



Gungcanjdangj Caen Hungmbwk

共产党真伟大

□ Suh Dazcin / 苏达进

Seizgan: Ngoenz ndeu Yangz Gvangh caeuq bohme ma ranzcoj
Diegheiq: Gyanghongh ranzcoj Yangz Gvangh
Boux ndawheiq: Yangz Gvangh
Yangz Ginh——Daxgoeng Yangz Gvangh
Lij Hungz——Daxbuz Yangz Gvangh
Yangz Siengz——Daxboh Yangz Gvangh
Luz Hungzlingz——Daxmeh Yangz Gvangh
Haimuq: Yangz Ginh、Lij Hungz、Yangz Siengz、
Luz Hungzlingz caeuq Yangz Gvangh humx naengh
youq daizrin gyanghongh ranzcoj, gwnz daizrin baij
miz di gijgwn.

Yangz Gvangh (riunyumnyum, eu):

Bineix ma ranzcoj,
Boux ranz hoj duetgungz,
Ndwenngoenz bienq vuenyungz,
Gij ranz hung youh gyaeu.

Yangz Siengz (unqswnh naeuz): Daeg-
gvangh, lajmbanj bienq gyaunde, cienz baengh
dangj dazyinx.

(Ciep eu):
Gungcanjdangj dazyinx,
Minz yamq din bae gaen,
Miz cauhmoq cingsaenz,
Gwndaenj caen mbouj heiq.

Yangz Ginh (sim' angq naeuz): Dwg ha!

(Ciep eu):
Ndaem naz dangj hawj ngaenz,
Coengzlaiz caengz raen gvaq,
Guh mieng yinx raemx ma,
Nazhaeux ndaej fungsou.

Lij Hungz (hix angq naeuz): Mboujdan
yienghneix, canjnieb hix ndaej hwng.

(Ciep eu):
Ndaemciengx miz diepbouj,
Gungz bienq fouq mbouj nanz,
Bae gunghcangj hwnjban,
Goenglan hix sim' angq.

Yangz Ginh (najhai naeuz): Seizneix ndwen-

ngoenz miz baujcan, vuenyungz dahraix!

(Ciep eu):
Bingh ndaej yw mbouj heiq,
Dangj geiq maenh simnduj,
Daegbied boux gungzhoj,
Mbouj lau nguh baezlaeng.

Geq miz bang miz ciengx,
Ansim yiengj vuenyungz,
Aen ranz ndaej hwnghoengh,
Bouxbox cungj angqyangz.

Yangz Gvangh(simhai naeuz): Seizneix ranz-
ranz hwnj ranzlaeuz, gij ndwenngoenz gyoengq
vunzmbanj caeuq boux vunz ndawsingz ca mbouj
geijlai lo.

Yangz Siengz (gikdoengh naeuz): Dwg ha,
guk fouq minz ndaej yiengj.

(Ciep eu):
Guk fouq minz yiengjsouh,
Bienq fouq roen miz lai,

Bouxbox angq najhai,
Daihdaih haenh aen dangj.

Lij Hungz (angq eu):

Bouxhoj hwnj ranz moq,
Mbouj gangj boq saek coenz,
Dangj hawj ngaenz bangcoengh,
Bouxgungz cungj angqyangz.

(Angq naeuz): Seizneix gij lwgnyez ndaej yiengj
fukheiq lai lo.

(Ciep eu):
Lwgnyez bae doegsaw,
Ndae ndeicawq haujlai,
Faen ngaenz mbouj yungh hai,
Lij miz ngaiz gwn ndwi.

Bae doegsaw ndaej ngaenz,
Caen dwg caengz raen gvaq,
Bouxhoj riuhaaha,
Ra ngaenz rap gemjnoix.

(Hozswnh naeuz): Gij bouxdoeg baengh aen
dangj yiengj gij fuk mbouj liux. (1)



Gij funghgingj Denhgoz Lungzdanh.

Lanz Yiz ingj

•Sawcuenhraz Lwgnyez•

Gij Golwgnyez Henz Dahhoengz

红水谣

□ Lanz Haijyangz Moz Beibei / 蓝海洋 莫蓓蓓

Ndawsim gou gig ndaet, siengj
mbouj ok vah maz daeuj nai de.

Youq bingzciengz, lauxsaed
gangj, gou saedcaih mbouj gyaetz
Ahveij geijlai, de miz di gvaic
caemhcaiq gig baetnuij, caeuq dou
caez guhcaemz, doengh mbouj doengh
couh gangj “gou aeu maranz lwnh
hawj daxmeh gou”, mboujnex couh-
dwg “daxmeh gou gangj”. Ndigah
caezgya cungj maij daeuq de nyex de,
de lij caengz haibak, dou couh
doxciengj ngw gij vah de: “Gou aeu
maranz lwnh hawj daxmeh gou!”
Hixnaengz engq manz di couh
yienghneix gik de: “Mwngz maranz bae
lwnh hawj daxmeh mwngz ba, dou
youq gizneix deq!”

De cungj hozgaek ndaej daengx
naj hoengzfwdfwd, raemxda lae-
nyangnyang, gou couh yawj mbouj
hwnj de yienghneix, lumj mbouj miz di
goetheiq, ndaej cibgeij bi lo lij daj
rongh daengz laep venj daxmeh youq

henzbak, gyawz lumj lwgsai ne?
Hoeng, seizneix de deng ngwzdoeg
haeb lo, ninz youq gwnzcong, hawj
gou lumz gij mbouj ndei doenghbaez
de, caemhcaiq dauqngex gij saeh de
bungz, ngamq rim ndwen daxboh de
couh deng goenjgug hwnj bya bae,
doeklaeng song bi lai yienznaeuz
daxboh de ndaej dauqma lo, cix ndaej
binghnaek, cengq le bi lai, dauqdae
caen hwnj bya bae lo, ciengxlwenx hix
mbouj dauq lo.

Doengh bi neix daeuj caeklaiq
Simjmehveij souj maij ganq lwgdog,
ciengx Ahveij hung, baenzneix ngeix,
mboujdan Ahveij mingh hoj, Simj-
mehveij hix caen mingh hoj ha!

“Mbouj youqgaenj, gij ywdoj
Aulungzgveiz gig ndei.” Gou ngeix
daengz song coenz vah daeuj nai de.

“Gou rox, de gaenq deng ngwz-
doeg haeb gvaq, doengh bi neix daeuj,
de gig haemz ngwzdoeg, itdingh dwg
yienghneix.”

“W, de lij gwn ngwzdoeg dem
ne.”

“O!”

Simjmehveij ngiengxgyaeuj yawj
gou baez ndeu, youh ngaemgyaeuj bae
beiz feiz ndawloz, aen rek gwnzloz
gaenq biu fwi lo. Gou doq oet bog nya
hawq daengz ndawcauq bae, ngiengx-
gyaeuj yawjyawj gvaengx farek
gwnzcauq, hix hainduj biu fwi fedfed
lo, gou roxnyinh vuenheij dangqmaz.

(caengz sat)